



განცხადების ფასი: 3 ჯკ ოთხ პეტრით 70 კ.

№ 16 1917 ფასი **შაბა** (შადი მახუთი)
 კვირა აპრილის 16 15 კ. **გამოცემისა**



ვალ. გუნიბა—ოთარ ბევი

მზის მოლოდინში

1

გათავდა ბრძოლა! დამარცხდა მტერი!
 განთავისუფლდა რუსეთის ერი!

2

საქართველოსაც ეცვალა ფერი;
 ახლოა, ახლოა მზე მშვენდერი!

3

თმენა არ მყოფნის!
 გრძნობა მჩქეფარებს!
 მზის შესახვედრად სივრცეს გავცქერის!
 აღმოსავლეთი წითლად ეღვარებს,—
 გული მდღეღვარებს!
 თენდება!.. ვმდერის..

ვალ. გუნიბა

მოქალაქენო! მხარი მიეცით

ახალ მთავრობას ჭ ზურგი გაუმაგრეთ.

გაუმარჯოს დამფუძნებელ კრებას!

ამხანაგებო!

დამფუძნებელ კრებას უნდა მოსთხოვოთ საქართველოს ტერიტორიალური ავტონომია!

ისევე ავტონომიის შესახებ

საქართველოს ტერიტორიალურ ავტონომიას თვით ჩვენს აშხანაგებში ბევრი ჰყავს მომხრე, მაგრამ ზოგი მათგანის შეხედულებით დღევანდელს პირობებში ავტონომიის წამოყენება ნაადრევია.

ყველა ეს პირობები ჩვენ შეგვიძლია გავყოთ ორ ნაწილად: ერთ მხარეზე მოექცევა საზოგადო პირობები, რომლებშიაც მთელი რუსეთის ცხოვრება და რევოლუცია სწარმოებს; მეორეზე კერძო ანუ ადგილობრივი პირობები.

ბევრსა ჰგონია, თუ კი რუსეთში დემოკრატიული რესპუბლიკა დამყარდა, ეროვნული საკითხიც გადაწყდება და ამიტომ ჩვენ მთელი ჩვენი ძალდონით ხელი უნდა შეგვეწყობოთ რევოლუციის გამარჯვებას, კერძო მოთხოვნებიანი კი აღარ უნდა წამოვაყენოთ.

თავისთავად ცხადია, რომ ყველა ჯგუფმა, ყველა პარტიამ, ყოველმა ჩვენგანმა ხელი უნდა შეუწყოს უწინარეს ყოვლისა რევოლუციის გამარჯვებას, რადგანაც ამას გაცილებით მეტი წინაშეწელობა აქვს, ვიდრე საქართველოს ტერიტორიალურ ავტონომიას.

მაგრამ არ უნდა გვევიწყებოდის, რომ რევოლუციის გამარჯვება სრულდებითაც არ ნიშნავს ამავე დროს ეროვნული კითხვის გადაჭრას.

ექვს გარეშეა რევოლუცია საბოლოოთ გაიმარჯვებს და რუსეთში დემოკრატიული რესპუბლიკა დამყარდება; მაგრამ შესაძლებელია ეროვნული საკითხი ისევე იმ მდგომარეობაში

ბაში დარჩეს, როგორშიაც დღეს იმყოფება და ჩვენ არავითარი ავტონომია არ მივიღოთ.

რევოლუცია სწყვიტავს საზოგადო კითხვებს, ამყარებს ახალ მართვა - გამგეობას მთელს სახემწიფოში, ახალს კანონებს, ახალ უფლებას; ეროვნული კითხვის გადასაწყვეტად კი ის მხოლოდ ნიადაგსა ჰქმნის.

რევოლუციის დღეში ყოველ პატარა ერს უფლება და საშუალება ეძლევა, ზოგად კითხვებთან ერთად კერძო ეროვნული საკითხიც ასე თუ ისე გადასჭრას.

ამიტომ ჩვენ თუ დღესვე არ შევთანხმდით ეროვნულ საკითხში და საერთო ეროვნული გეგმა არ წარვადგინეთ დამფუძნებელი კრების წინაშე, დამფუძნებელი კრება თავისთავად ჩვენ არასდერს არ მოგვცემს. რუსეთში რესპუბლიკა დამყარდება; ჩვენ მივიღებთ ყველა სამოქალაქო უფლებას და ამგვარად ისეთივე ხანგრძლივი და სასტიკი ბრძოლა დაგვჭირდება ავტონომიის მოსაპოვებლად, როგორც დღეს ირლანდიაშია.

აი ამიტომაც, თუ არ გვინდა ჩვევარდეთ იმგვარ მდგომარეობაში, როგორშიაც ირლანდია იმყოფება. თუ არ გვინდა, მთელი ჩვენი ძალდონე ორმოც-სამოცი წლის განმავლობაში ავტონომიის მოპოვებას შევადგინოთ დემოკრატიულ რუსეთში, სწორედ დღევე უნდა შეთანხმდენ ჩვენში ყვილა პარტიები და შეიმუშაონ საერთო ეროვნული გეგმა.

ამ გერ შეთანხმებას ითხოვს გონება, მას ეწინააღმდეგება გრძობა. გრძობა შეიძლება კარგი იარაღი იყოს საპირადო კითხვებში, პირადი თავმოყვარეობის საქმეში, მაგრამ დიდმნიშვნელოვანი საერთო კითხვების

გადაქრის დროს გრძნობა უნდა უარყოფით და მიეწოდოს მხოლოდ გონიერებას.

რუსეთში სოციალისტრევოლუციონერებს და სოციალდემოკრატებს ისევე სძულდათ ერთმანეთი, როგორც ჩვენში სოციალდემოკრატებსა და ფედერალისტებს.

მათ შორის გრძნობა იმდენათვე იყო გამწვავებული, რამდენათაც ჩვენს შორის. მიუხედავად ამისა სოციალისტრევოლუციონერების კონფერენციამ უარყოფით გრძნობის გზა და დაადგინა: ჩვენ უნდა შევეუფოთდეთ სოციალდემოკრატებს და ერთი ძლიერი პარტია შევქნათ.

აი მეტათ ძლიერ იშვიათის გონიერული გარდაწყვეტილება, რომლის წინაშეც ყოველმა ჩვენგანმა ქედი უნდა მოიხაროს.

მთელი პარტია თავისი ხელით, თავისი ნებით საკუთარ სახელსა შლის და უერთდება მეორე პარტიას, რადგანაც ამას ითხოვს მთელი რუსეთის დემოკრატიის კეთილდღეობა.

ჩვენ კი მარტო შეთანხმება ვერ მოგვიხერხებია მხოლოდ ერთ კითხვაში.

ამ შეთანხმებას გონება დაჟინებით ითხოვს, გრძნობა ეწინააღმდეგება მას და ჩვენ უნდა გადავლახოთ გრძნობის საზღვრები.

თუ ვერ გადავლახეთ, თუ დიადი ისტორიული მომენტის წინაშე საბრალო კაცუნებათ დავრჩით, სირცხვილი ჩვენ და მხოლოდ ჩვენ!

გრძნობა ჩვენ შორის განყენებულ მსჯელობას ან პროგრამას კი არ გაუნწვავებია, ის გამწვავა პრაქტიკულმა მოღვაწეობამ, ჩვენებურმა საქმიანობამ.

ჩვენ წარმოვადგენთ პატარა საზოგადოებას, სულ გვაქვს რამდენიმე კულტურული დაწესებულება, რომლის გარშემოც ბრძოლა მუდამ ატეხილი. თუ ერთმა პარტიამ მოაკლათა შიგ, მეორის წევრებს შიგ ცხვირს აღარ შეაყოფინებს. რაიმე ადგილი რომ გინდოდეთ უსათუოთ პარტიული პატენტია საქირა.

სამართლიანობა მოითხოვს, აღვნიშნო, რომ ამ ხრივ ყველაზე მეტი ცოდვა და ბრალი ფედერალისტებს მიუძღვით.

ყოველივე ამან გრძნობა აშალა, სიძულვილი დასთესა, მტრობა ჩამოაგდო მაგრამ ყოველივე ეს დროებით უნდა დავივიწყოთ და ეროვნულ საკითხში შევთანხმდეთ, თორემ ჩავიდნთ საშინელ ცოდვას, რომელსაც ისტორია არასოდეს არ გვაპატიებს და ჩვენს სახელს შეარცხვენს, შეაჩვენებს.

ეროვნული საკითხის წამოყენება რომ ხელს არ უშლის რევოლუციის განვითარებას და გამარჯვებას, ამის შესახებ სხვა წერილებშიაც გამომიტკვამს ჩემი მოსაზრებანი.

ყოველი ნაბიჯი თავისუფლებისაკენ გადადგმული, ყოველი გაფართოება თავისუფლებისა რევოლუციის კი არ ასუსტებს, არამედ სიმტკიცეს აძლევს.

დარჩა მეორე საკითხი—ადგილობრივი პირობები.

საქართველოში სცხოვრობენ სომხები, რუსები, თათრები.

როგორ შევხედოთ ისინი ჩვენს ავტონომიას?

დემოკრატიულ ნაწილს ამ ერებისას ჩვენი ავტონომიის წინააღმდეგ არაფერი არ ექნება და საქირა ამიტომ მათთან მოლაპარაკების გამართვა, მათთან შეთანხმება.

სომხის მსხვილი ბურჟუაზია, რუსი მოხლეები, თათრების ბეგებიც ჩვენი ავტონომიის წინააღმდეგნი იქნებიან.

მაგრამ ამ ერების დემოკრატიის თანხმობით და ჩვენი შინაური შეთანხმებით განმტკიცებული უნდა ჩვენ უნდა გადავლახოთ ყოველგვარი წინააღმდეგობა.

ექვს გარეშეა, შავრაზმული ავტოცია იქნება ადგილობრივ ჯარში. ქართველებს გამოყოფა უნდა, საკუთარი მეფეო, მაგრამ ამგვარ შავრაზმულ ავტოციას უნდა გაუმკლავდნ ქართველი ჯარისკაცები. მათ უნდა აუხილონ თვალეები ამხანაგ რუსებსა და დაანახონ, რომ ავტონომია ნიშნავს მხოლოდ ადგილობრივი საქმეების მართვა-გამგეობას რუსეთის მფარველობის ქვეშ და მეტს არასფერს.

თუ დამონებული, ფეხქვეშ გათელილი საქართველო მაინც მუდამ ერთგული იყო

რუსეთისა და ვაქირვების დროს არა თუ არ უღალატნია მისთვის, სისხლი არ დაუშურებია, ავტონომიური საქართველო კიდევ უფრო ერთგული იქნება და კიდევ მეტათ შეიყვარებს რუს თსა და რუსის ხალხს.

ეს კარგათ უნდა გაითვალისწინონ ჩვენმა ჯარისკაცებმა და გენუმატონ შეკითხვის დროს თავის რუს ამხანაგებს.

არასოდეს არ დადგება ისეთი დრო, რომ საქართველოს ტერიტორიალურ ავტონომიას მოწინააღმდეგე არა ჰყავდეს; არასოდეს არ დადგება ისეთი დრო, რომ ეს ავტონომია თავისთავათ ჩაგვევარდეს პირში.

შეორეს მხრით ძვირათ მოგვეცემა ასეთი შემთხვევა ავტონომიის მოსაპოვებლათ, როგორც დღეს.

მაშასადამე უკუუვადლოთ შიში, მორიდება, გაუბედაობა, გახურებული გრძობა, შევეთანხმდეთ, დავანებოთ ლაპარაკს თავი და შევეუდგეთ საქმეს.

ე. ჯ. მელიქი

* *

გუშინ დახსნა გაზაფხულმა შევარდნები ტყეობასა, მინდვრებსა და მთა-გორებში იხლიან დიდ დღეობასა.

დაგეშილი ყვავ-ყორნები აღარსად არ ტრიალებენ, შემწყვდელან ქუჩებში და მწარე ხმით წრიალებენ.

ნაღვლიანად დაჰყურებენ დანებსა და საღესავებს, სხვებისათვის გამზადებულს სთავაზობენ თავანთ თავებს.

უძანკოთა სისხლის ტბაში აღარ სცურავს მათი ნავი, სვავსაც ფრთები დ უყრია და გამხდარა გულსაკლ ვი...

შევარდნებს რომ აკერიათ მოწითაო ლის ფერა, არ გეგონათ შეკრულ სისხლის ან ნაფლეთი ან ანაქერი.

თუ რამ ჰქონდათ მოიშორეს, სვავთა ცრემლით გაიბანეს,

არც ერთს დანა არ აღირსეს, სიკვდილს ისე დამგვანეს.

და იმათ-კი გაზაფხულმა გულზე ვარდი დააკრა, წ ღმა შემოატრიალა

უკუ მსრბოლი ბედის წერა.

უთხრა: ნულარ გეშინათ ყვავ-ყორნების ამას იქით, შეგება ზხენის სადღეგრძელო გამოსცალეთ ბროლის ქიქით.

რა კარგი ხარ გაზაფხულა, გულ სავსე და სულით გრძელო, შევარდნებთან ერთად მსურს შეგსვა შენიმც სადღეგრძელო.

შიო მღვიმელი

ტუსაღის ნაამბობი

მეძინა, მაგრამ ძილშიც ვერ მომესვენა... რაღაც საშინელი დამე იყო, საშინელი!..

ექვსი თვის ციხეში მჯდომს ბევრი ტანჯვა გამომეწელო, მაგრამ ასეთი არასოდეს...

გული მიწუხდა, ველარ ვდგებოდი, თავბრუ მესხმოდა... ბნელოდა, მაგრამ სიბნელესაც გული ერეოდა, რაღაც ირეოდა, ფითრდებოდა. თურმე სინათლის მოახლოვებას გრძობდა და ითენთებოდა. ამ არეულ ტანჯვაში მეც ვიტანჯებოდი, ვწვალობდი, ვწუხდოდი...

ის იყო უნდა მეყვირნა, რომ უცებ ეს შავად შემოქვართული კედლები დაიბზარა. გაბზარულებში ამომავალი მზის სხივები ჩოჩქოლ-ცქრიალით შემოატრა ჩემს სარკმელში...

წყვდილადა მწარედ ჩაიკენესა და სადღაც კუნჭულებში ჩაეცა... ჩემი სარკმელი განათდა, ჩემი სარკმელი გაშუქდა...

გარედან სიცოცხლის სიმღერა მომესმა... ერთს წუთს მეც გამოვეცოცხლდი და მაშინ, მაშინ მთლად აღტაცებული, მთლად გახარებული, სიხარულით აღვსილი ზეზე წამოვარდი და... დახავსებულმა კედლებმაც დაიგრილა...

შევკრთი და გამომეღვიძა...

ჩემი საკნის კარებს აღებდენ. მე გამოურ კვევი-გაშტერებული შევცქეროდი კარებს... სიზმარი მეგონა... მაგრამ უცებ კარები გაიღო და ნაამხანაგარი გიორგი გამოჩნდა:

— ამხანაგო, ქრისტე აღსდგა! მომადახა მან და გიჟივით მომვარდა... მე გახარებული ზეზე წამოვარდი და ერთმანეთს ჩავეკონეთ...

კოლია გარიყული

მოწოდება

ვალ. გუნიას საიუბილეო კომიტეტმა ასეთი მოწოდება დაუზარუნა სხვა და სხვა დაწესებულებათა და კერძო პირებს.

პატივცემულო მოქალაქე!

დიადი დღევანდელი მომენტი.

რუსეთმა მტკიცე ხელით მადლა ააფრიალა თავისუფლების დროსა და სხვათა შორის შედ წააწერა: „ეროვნებათა თავისუფლება!“

საქართველო კი დიდი ხანია მწუფრვალა მისი დათრგუნვილი უფლებათა ადღენისა. მისი თავისუფლების დღეც ესლა დგება.

ამიტომ უფალი ქართველი მოქალაქის მოვალეობა დიხსეც კართულდა და მრავალფერი შეიქმნა. სწორედ ჩასი თვალი უნდა გამოიხს და ასი უური გამოიხსნას“ საზოგადოებამ თავის მოვალეობათა პირნაოლად აღსასრულეზად და ამ მოვალეობათა შორის არ უნდა დაივიწყოს ისინიც, რომელთაც შეგნებულისა და თეგამადებულის ეროვნულ-კულტურულის მუშაობით ნიდაგი მოუმზადეს დღევანდელს ჩვენს განთავისუფლების ხანას.

ერთი ასეთი პირთეებათაგანი — დაუცხრომელი მებრძოლი და კულტურული მოღვაწე არის

ვალერიან ლევანის ძე გუნია.

იგი ერთი დედა-ბაძთაგანია ქართულის თეატრისა, მოურიდეელი და პირუფენელი ჟურნალისტი, ფას-დაუღებელი საზოგადო მოღვაწე.

დიდი და მრავალგარი ვალერიან გუნიას დავწლი სამშობლოს წინაშე:

იგი თუ ერთის ხელით საჭირო და დროზედ მოსწრებულ პიესებსა სწერს, მეორეს ხელით სახალხა, ვეკლასათვის ხელმისაწვდომ გამოცემებს უძღვება; თუ სტენაზედ რთულსა და პასუხსაკებ რაღებს ასრულებს, იმავე დროს საზოგადო ასპარეზზედ უშიშრად გამოდის. უვედა იმ მოვლენათა მამხილებლად და განსასჯელად, რომელნიც მას თავის ქვეუნიისთვის სახიანოდ და მავნებელად მიახნია.

რეჟისორი და საერთო ხელმძღვანელი თეატრის საქმეთა, მომწეობი და გამეკე საეროვნო დღესასწაულებისა და ზეიშებისა, გამომცემელი და რედაქტორი სხვა და სხვა სახალხა ჟურნალ-გაზეთებისა, იგი მოუცლელი და ურუხ პირადი დღეკრძელეობისა და ბენიერებისათვის.

უფელივე რაც კი მის მდიდარ სულსა და გულს გახნია, რაც კი მის ძალდონისა და დაუშრეტელ მხნეობის ნაშრომია, რაც მის თავდავიწეებულ კარჯისა და მადლიანი დავწლის ნაყოფი — უფელივე ეს ოცდა ხუთმეტის წლის განმავლობაში დაუზარებლად მოაქვს ძღვნად და ზვარკად საზოგადო სამსხვერზლოზე თავის დანაგრულის ქვეუნიის და უფლებს აერიღ ერის ნუტეშასტემლად, გასამხნეებლად და ასადორობიებლად.

და, რადა თქმა უნდა, მადლიერი სამშობლო სწორედ დღეს, — მისი ქვეუნიის განთავისუფლების განთიადზე, რადესაც სამწუხროდ, თვითონ ჩვენი თავგანწირული მოჭირნახული უკვე ჟანგატეხილი და დასუსტებულა, — სამაგიეროს გადახდას უპირებს.

შარშან საზოგადოებამ და მწერლობამ ერთხმად გადაწევიტა ვალერიან გუნიას მადლობის დღე შესფერის პატივისცემით და ზეიმით ედღესასწაულსა.

ესლა ეს ზეიში და დღესასწაული დანიშნულია ქ. ტფილისში შაბათს, 29 პრილს, ნაშუადღევის პირველ საათზედ სახელმწიფო თეატრში. მაგრამ მარტო საზეიმიო შეკრება და დღესასწაული არ კმარა ჭილდოდ ფასდაუღებელი მოღვაწისათვის.

ზეიმის მომწეობს კომიტეტი, ქართულ დრამატულ საზოგადოების გამეკობას და ქართველ მსახიობთა კორპორაციას აზრად აქვთ, თუ კი ქართველობა ხელს შეუწეობს, თავის დაუძღურებულს მოღვაწე-მომამეკეს თავშესაფარად და საცხოვრებლად მიართვას ქ. ტფილისში სახლკარი, რისთვისაც ამ თავითვე უნდა შესდგეს საჭირო და შესაფერი თანხა სხვადასხვა დაწესებულებათა და კერძო პირთა ნებეყოფლობითი წვლილისაგან.

განობებთ რა უფელივე ამას, პატივისცემით მოგაწოდებთ თქვენდა შესაფერი მონაწილეობა მიიღოთ ამ ჩვენს საერთო ეროვნულ-კულტურულს დღესასწაულში.

წერილები, დეპეშები, მოლოცვები, ფული

და შემოწირულებანი უნდა გამოიგზავნოს ქვემოთ
აღნიშნულის მისამართით:

Тифлисъ, почтовый ящ. № 38 Казначей
Турашвили Абраму Ильичу.



გლეხის დარდი

(ზეზიარ გადმოცემა. ქიზიყში, მიწსაანში
ჩაწერილი)

ოდროს ფირი უტკბე არის
გლეხის ტანჯულ ცხოვრებაზე.
ჩემს დარდს გეტყვიო, რაც გადამხდა,
როს მთავრობის მიველ კარზე.

ჯერ ვეწვიე მამასახლისს,
ქათმების რომ იცის გემო,
დნახემდის მომადება:
„რა მოგაქვსო ფორე ჩემო?“
ხელცარიელი შევჩივლე,
ყოფა თუ რამ გამიჭირა.
მან კი უცებ შემაბრუნა
და პანლური გამიჭირა...

სოფლის მწერალს მივაკვლიე,
იმ მექოთნეს ყოველ საქმის,
კოლოფს კეუის და მთავრობის
ყოველ აზრის, ყოველ ნათქმის.
მკითხა: ფორე, გტანჯავს ბედი?
შენ სნეული, მე მკურნალი.
ჯორის ნაღს *) თუ მომცემ ერთ-ორს,
მე ვიცი შენი წამალი! *
ჯორის ნალი მე არ მქონდა,
არ მყოლია რადგან ჯორი,
ეს იწყინა,— „რათ მაცდენო!
და გამაწნა სილა ორი...

ნაიბისკენ **) გავიქეცი,
გადვუკოცნე მუხლი, ჩექმა.
მარა ისე შემომხედა,
რომ მეგონა დამკრა მეხმა.
ბოლოს ძალი მოვიკრიბე,
მოფუყევი ჩემი ქირია...
შემომბღვირა. „კარგი, მესმის,
მე საწყლუების ვასაქირი?“

*) ე. ი. ვერცხლის მანათიანი.

**) ძველათ პრისტავს ვრქვა.

ხოლო ერთი მითხარ, ფორე,
გეყოლება უშობელი?“
არა მეთქი, როგორც ვუთხარ,
ყრონტში მტაცა უცებ ხელი,
და მისს მჯილთა სიმწრის ძალა
ახლაც მახსოვს მაშინდელი!

მერე ჩვენს მუღირს ***) მივმართე,
და შეეჩივლე ვით ღმერთს მხოლოს.
ყურიც არ უთხოვებია,
მარა მკვახეთ მკითხა ბოლოს:
„ძროხა თუ გყავს, ან კამაყჩი,
მთელ ზაფხულსა რომ იწველოს?“
არა თქო, ვერ გავუბედე,
მან არც ჰოს თქმა დამაცალა...
ჯოხი მთუთქა თავში ისე,
რომ ტყავი გადამაცალა!

სიმწარისგან მთელი ძალი
მოვიკრიბე ჩემი ნების,
ფაშას კარზე ავეტუზე
რიცხვთა შორის მომიჩინების,
მეც მიმილო, მომისმინა.
ბძანა: „გადავასახლებო,
გლეხები სულ მამზულარობთ,
აი, თქვე ყიამყრალეზო!“
არ მოვეშვი, მოვასხენე—
„ზევით ღმერთი, ქვევით თქვენა,
ან მიბოძეთ სამართალი,
ან მომკერით მე მარჯვენა!
ერთობ შემწყურა,—გაწყრომაში
არ ყოფილა თურმე ხამი.
ბიკმაც ნება აუსრულა—
ჩამამტვრია კბილი სამი!

ილია ჭყონია.



უკრანია

(რუსული პრესიდან)

შეტად უწრადსადებ ამბებს გადმოგვცემს
გაზ. „უტრა რუსისა“ (№ 85): „რუსეთის ერო-
ვნებათა შორის,—ამბობს უკრანელთა საზოგა-
დო კრებაზე ცნობილი ისტორიკოსი ნ. ხ. ვა-
სილენკო,—ებრაელებს გარდა ვეკლასებდ უფრო

***) მუღირი—მხარის ფეროსი

შევიწროებული, უფლებას — აყრილი ვიყავით ჩვენ — უკრაინელები... სტალიანი ხომ სრულიად მისხმბას გვიპირებდა... მეტად სპეკულირებდა, რომ ცოცხალი გადავიყრიყრი.

„აწ გადავინებულ მთავრობის პოლიტიკა ერთი მუქი გარეგანი ხელის სეკში იყო; იმ წერტილამდის მიიყვანეს ქვეყანა, რომ ჩვენს ახლავდათ შორის სეპარატული აზრებიც კი დაიბადა... მაგრამ დღევანდელმა რევოლუციამ თვალსაზრისად შესწავლა ჩვენი ხელის ასეთი არა სასურველი თქვი“...

მექადაქე ვასილენკო აზრი, რაგორც საზოგადო მოღვაწისა, ასეთია: მას სწამს, რომ რევოლუციის საზოგადოდ რუსეთის ერთგულებათ და მათ შორის უკრაინელებსაც ბუნებრივ კალაპოტში ჩაყენების დღეს არსად, კარდა პოლიტიკისა და ისიც იმ უმეტეს ყოფილი მთავრობის მიხედვით, სეპარატული მისწრაფებანი აღარ სურფევს. არც ერთს ერთგულებას სრულიად გამოეფა, გრადუკება რუსეთისაგან არ სურს.

ერთგულებათა სურვილია დარჩეს სამუდამოდ დიდი რუსეთის დემოკრატიულ ფედერაციულ რესპუბლიკის განუშორებელ წევრად, რაგორც მისი ავტონომიური ერთეულია.

„რუსეთთან შეერთების დღიდან, — ამბობს ვასილენკო, — უკრაინა ყოველთვის, მხოლოდ თავის, ძალით წართმეულ ავტონომიურ უფლებების დარუნებას მოითხოვდა... ვიბრძოდით რა უკრაინელები ჩვენი უფლებებისათვის, ამასვე აღვიარებდით რუსეთის ევლას ერთგულებისათვისაც... ჩვენი საზოგადო მოღვაწი და მათთან ერთად ხელსი, რცა თავის ნაციონალურ ენასა და შეიქლას იტვლენ, ერთსა და იმავე დროს ამასვე მოითხოვდნენ რუსეთის სხვა ერებისათვისაც...“

ვასილენკო დარწმუნებულია, რომ გადახალიკება, რაგორც რუსეთისა, ისე ევლას ერთგულებათა შესძლებულია არა მარტო რევოლუციის გზით, არამედ სისტემატიური თანდათანობითი შემოქმედებით. ამიტომაც უკრაინელები მზად არიან დროებითი მთავრობას მხარი დაუჭირობონ, რაკი მათ სწამთ, რომ მთავრობა მზად არის უსრუდედგვიყოს ევლას ერთგულებანი ავტონომიურის წესწობილების შემდგომით.

მეორე მექადაქე ს. ა. ეფრემოვი, ცნობილი მწერალი რუსეთ-უკრაინისა, დაახლოებით შემდეგს ამბობს:


უკრაინის საზოგადოებრივი აზროვნება დამყარებულია „ავტონომიურ კავშირზე“. უკრაინელების პროგრამა, ერთგული ტერიტორიული ავტონომია ევლას ერთგულებისა, ანუ უკეთ რომ ვსთქვათ, რუსეთის დემოკრატიული რესპუბლიკა.. რუსეთი უნდა იქნეს შეკავშირებული რუსეთის ევლას ერთგულებასთან ერთად. უკრაინა ყოველთვის ამ აზრის გარშემო ტრიალებდა და ახლაც ამას აღიარებს მთელი უკრაინა განუჩევილად მარტიოისა. „ამ პლატფორმას ვაღიარებდით ჩვენ წინედ და ასეთის პლატფორმითვე წარვსდგობთ ჩვენ ახლაც დამოუხმებელი კრების წინაშე“... უკრაინა ასეთს წესწობილებაში ე. ი. რუსეთის დემოკრატიულ რესპუბლიკაში უნდა იქნეს აღჭურვილი სრულის შინაურის თვითმმართველობით, რაც გულისხმობს ერთგულ შეიქლასა და სასამართლოს, ერთგულისავე თვითმმართველობის ფორმას საქადაქე და საერთო დებულებებისა, ეკლესიასა და სხვა... ეფრემოვი კიდევ უფრო შორს მიდის. მას სურს შექნას სრული ავტონომიური მართველობა უკრაინის ხელისხმობისა დიდი რუსეთის საერთაშორისო ფედერაციაში.

ასეთია დაახლოებით უკრაინელთა აზრი და გადაწყვეტილება, რასაც მოწმობს აქვე მოყვანილი დებუება 7 აზრილისა:

„უკრაინელთა ერთგულ კრებაზე მოვიდნენ არა თუ მარტო უკრაინის სოფლებისა და ქალაქების წარმომადგენელი, არამედ მოვიდნენ პეტროგრადიდან, მოსკვიდან, ოდესიდან, ნიკოლაევიდან, ტამსკვიდან და სხვა შორეულ ქალაქებიდან. კრებამ შემდეგი რეზოლუცია მიიღო: „ისტორიულ ტრადიციებისა და უკრაინელთა ერთგულ საჭიროებების თანამედროვე რეალურ მოთხოვნილებათა მიხედვით უკრაინას მხოლოდ ეროვნულ ტერიტორიული ავტონომია განამტკიცებს, ჩვენი ხელის და უკრაინაში მცხოვრებ სხვა ერთგულებათა საჭიროებებს. ასეთ ავტონომიურ მოწეობილებას რაგორც უკრაინისა, აგრედვე რუსეთის სხვა ერთგულებათა ავტონომიისა რუსეთის საერთო წეობილებაში სრულს განანტიას შეიძენს. ამიტომ რუსეთის სახემწიფობებრივ წეობილების ერთადერთ ფორმად უკრაინელთა კრება ფედერაციულ რესპუბლიკას აღიარებს“.

ჩვენ კი მხოლოდ სიამოვნებით უნდა აღვნიშნოთ ასეთი ბუნებრივი მოთხოვნილება უკრაინელთა.

ვალ. გუნია 35 წ. მოღვაწეობის შესრულების გამო
(დღესასწაული გაიმართება აპრილის 29)



1915 წ.

1890 წ.

1907 წ.

ლექსი

ჩაწერილი ქართველ მაჰმადიან ხასან გულიაძის მიერ **)

ქალო თავადო, ერქვალო, ხელმწიფის მოედნისებრო
 თავზე ნაწნავო ლამაზო, ოქროს სირმებისებრო,
 იქით და აქეთ წარბებო, ზღვაში გველეშაპისებრო,
 აქეთ და იქით თვალებო, შუქურ ვარსკვლავისაებრო,
 იქით და აქეთ ყურებო, გაშლილი ვარდებისებრო,
 აქეთ და იქით ლოყებო, ყირმიზის ვარდებისებრო,
 ზედ რომ ცხვირი მოსხმულია კართოფილის სანთლისებრო,
 მაზედ ტუჩებო ლამაზო, ლამაზ გულიაღისებრო; *)
 შიგ კბილები ამოსულა საწერათ საღაფისებრო,
 შიგ რომ ენა დაგიგორავს— რიონში კალმახისებრო,
 ყალო ასული სწორად ხარ, გაზრდილი აღვის ხისებრო,
 იქით და აქეთ მკლავებო, ჩამოქნულ კელაპტრისებრო,
 ხელებო—ვერცხლის წკებლებო, თითებო მათრახისებრო,
 იქით და აქეთ მკერდებო, ჩანგურის აღყებისებრო,
 აქეთ და იქეთ ძუძუნე, ყირმიზის ვაშლებისებრო,
 ქვევით მუცელი ლამაზო, მინდვრის ყაყაჩოისებრო,
 ზედ რომ ჭიბი ამოსულა ცისკრის ვარსკვლავისაებრო)



აქეთ და იქეთ წვივებო ვერცხლისა ნატეხებისებრო,
 მაზედ კოქო და სახსარო, გამხდარი კანჯარისებრო,
 გაგოგება რად გქირია—ამომავალი მზისებრო...

ხასან გულიაძე

*) გულიაღი ლალის მავარი ფერია.

**) ეს ლექსი უძღვნია ერთ ღარიბ ქართველ მაჰმადიან ემაწემლს ერთი ბეგის ლამაზ ქალი ათვის; ეს ქალი განთქმული ყოფილა სილამაზით, ბევრს კარგ ემაწეღს უთქვამს ცოლობაზე უარი, შემდგ ასეთი წინადადება მიუცია საქმროებისათვის: ვინც და წყებს და შემამკობს თავ დან ფეხებამდც ლექსით, იმას წყვევბიო. ეს აუსრულებია ხსენებულ ემაწეღს და კიდევაც წაყოლია მას ბეგს ლამაზი ქალი. ასეთია ძველი გაღმობემა.

ხასან გულიაძე.



გუშინდელნი

შალვა დადიანი. კომედიას 3 მოქმედებათ შალვა დადიანისა*).

მოქმედნი:

მალხაზ პინტრიშა, მამასახლისი.
კეკელა, მისი ცოლი.

აგროფინა }
ადიკო } ამათი შვილები.

პაპუნა პინტრიშაძე, მალხაზის ბიძა.
ჯიბო კვანტრიშვილი, მამასახლისის მოწი.

ნადმდეგე-
დათია, ამისი მომსრე.

თავადი კოწია.

მისი კნენია.

ფაცია, მათი შვილი.

კარლო ყაყუტაძე.

გენერალი ბურღოსანი.

კნ. ჩიტუნია.

„ფოფოლია“.

მაზრის უფროსი.

პრისტავი ჩალიანი.

თ-დი გორგასლანი |
ჯვებზე ქილორდავა | „სტრაჟნიკები“

სტუმრები, გლეხები. მსახურნი.

მოქმედება სწარმოებს ჩვენში, ჩვენ რდს.

მოქმედება პირველი.

მამასახლისის ოდის აივანი. ზაფხულია. კეკელა-
ცი სანახაობა. მთები. მოშორებით ძველი ციხის ნანგრევი.
უფრო ახლოს მოსიანს ორ-სართულიანი კიბე-
ჩ-მონგრეული სასწავლებელი და გუმბათ-გადმოშ-
ტვრეული ეკლესია. აივანზე იქით-აქეთ კუთხეებში
ხალიჩა გადაფარებული ტახტი დგას. შუაზე დიდი,
სასადილო მაგიდა, ზედ მუშაობა აქვს გადაფარებული.
მაგიდის ზემოთ, ჭერში ჩვეულებრივი, შუშის ფ ნარია
ჩამოკიდებული, შიგ ნავთის ლამპარია შედგმული.
ირგვლივ მაგიდას-კი სელის სკამები ულაგია.

ა

კეკელა, პაპუნა (მაგიდას უსხედან)

პაპუნა. ჰო და არ ვარგა, შენ არ მო-
მიკვდე, არ ვარგა ასე. რამდენჯერ უთხარი,
რომ არ დეიჯერა?

* ეს პიესა დაწერილია 1917 წლის იანვარში და პირველად წარმოდგენილია ავტორის საბუნებისმეტყველო 12 თებერვალს ქ. პაქოს სცენაზე „საზოგადო საქმის“ სათაურით, რადგან პიესა მაშინდელ ცენზურაში გატარებული არ იყო.

კეკელა. ეჰ, თავის ნათქვამი კაცია ჩემი მალხაზი. აქამდე რავა ვერ გეიგე, ბეჩა პაპუნა.

პაპ. გევიგე რა?.. როცა სოფელი მამასახლისათ ირჩევდა, იმიტომ გადავდევით ყველამ თავი, რომ ეს პირველი მაგალითი იყო — ასე თუ ისე ნასტავლი კაცი მამასახილათ დავგვიყენებინა...

კეკ. ნეტაი, შენის კარგა ყოფნით, სულაც არ ამოგერჩიით... უსიამოვნობის მეტი რა შეხვდა.

პაპ. საზოგადოების სამსახური ვეგეთია, ქალო... ვინმე მომდურავი რომ არ დაგრჩეს არ შეიძლება, მაგრამ...

კეკ. ეჰ, გენაცვალე!.. აქ არის და ეს კვანტროშვილები მოიმდურა, მოიმდურა... სოფელი ორათ არის გაყოფილი. ზოგი ჩემ ქმარს ემხრობა და ზოგი კვანტრიშვილებს... ახლა კიდევ მთავრობაც ცუდი თვლით უცქერის...

პაპ. არა, მაგისი არ მეშინია. ჩემი მალხაზი მეტად ქუჩიანი კაცია, ნასტავლიც არის და მთავრობასთან იცის რავარც შეიქცეს, მაგრამ მე გულს ის მტკენს, რომ აქამდის არ იქნა და ვერც ამ ეკლესიის განახლება მოახერხა, ვერც ამ უბედური სასწავლებლის გადაწყვიტა რამე... გადავყევით, ბატონო!.. შენი თქმის არ იყოს, სოფელი ერთი მეორეს შეჯახებული ვართ...

კეკ. შენი ბრალიც კია, პაპუნა ჩემო... რომ გადაეკიდე იმ კვანტრიშვილებს... არ იქნება, სასწავლებელს ვერ დაგანებებთო...

პაპ. ერიჰა... ახირებული ხარ, კეკელა არ მომიკვდეს... ცხვირის წინ, ეზოში სასწავლებელი გვქონდა და ახლა რაცხა, სოფლის განაპირას, კვანტრიშვილებს უნდა დავანებო?

კეკ. არ დაანებეთ, ბატონო და აი... არის აგერ კიბე ჩამომტვრეული და სახურავ-გადახდილი...

პაპ. ჰო და მაგას ვემდურით შენ ქმარს, მამასახლისი კაცია... გავლენა უშველებელი აქვს... არ იქნა და მთავრობას ვერ მოახერხებინა, რომ სასწავლებელი ჩვენთვის დეეტობებია...

Handwritten notes and signatures at the bottom of the page, including the name 'C. K. K. K.' and other illegible markings.

კეკ. იქამდე მიიყვანეთ საქმე, რომ ახლა, მგონია, თვითონ სოფელსაც აღარ უნდა სასწავლებელი... საცა უნდათ იქ წვიღონო.

პაპ. რას ამბობ, ჩემო რძალო! ჩვენი სოფელი იტყვის სტავლა არ გვინდაო? ვაი დედასა! ერთ დროს ჩვენი სოფლისთანა მოწინავე სოფელი არც კი იყო ამ მხარეზე. აბა ერთი ჩამოთვალე ჩვენდენი ნასტავლი ახალგაზღობა რომელ სოფელს ყავს?

კეკ. ნასტავლი თვარა!.. ეგერ კარლო ყაყუტაძე რომაა, იმისთანა თუ გვეყოლა, აგვაშენებს...

პეპ. ოჰ, ის შეე კაცო, ცოციალისტია, ვინ არ იცის მისი ამბავი...

კეკ. ჩამობძანებულა ახლა და კიდევ აგვიმტუტებს სოფელს...

პაპ. არა! ახლა ძალიან მოთოკილია თურმე.

კეკ. ნეტაი, სულ გოუნთავისუფლებიათ?

პაპ. სულ. ახლა აღარაფერი ეხება თურმე. მაგრამ მე მაგისთანებზე არ ვამბობ. ეგერ სიკოს შვილი... იცი, მალე მიროვი სულიათ დანიშნავენ თურმე. ელიზბარის ვაჟი კარგა ხანია ნატარიუსია. ლადიმერი ხომ რამდენი წელიწადია „სუდებნი პრისტავათ“ არი... რომელი ერთი ჩამოვთვალო... დაწინაურებული ახალგაზღობი გვყავს... ახლა კიდევ ჩვენი საერთო იმედი, შენი ვაჟიც მოგვემატა. მართლა, რაც ჩამევიდა ჯერ კი არ მინახავს... რაფარია?

კეკ. გნაცვალოს იმას დედა. რა უჭირს, კარგათ არის, მაგრამ იცი, პაპუნა? თითქოს ხასიათი სულ გამოცვლია...

პაპ. შეე დალოცვილო, ორი წელიწადი არ ჩამოსულა კაცი. ზაფხულიც იქ, რუსეთში გაატარა... და დავაჟაკდებოდა, გამეიცვლებოდა.

კეკ. რა ვიცი, გენაცვალე. უწინ იყო და გიმნაზია რომ დაასრულა, სულ იმ წიგნებს ჩასჩინებდა, თავს ზეით არ იღებდა და თუ ვინმესთან წვედიღოდა, ისევ იმ შეჩვენებულ კარლო ყაყუტაძესთან მიდიოდა. მეშინოდა არ გამეცოციალისტოს მეთქინ. ახლა არი და რის წიგნები, რას ამბობ!.. სულ მუდამ ჩხუბი აქვთ ამაზე იმას და მის დას, ჩემს აგრაფენას... აგრაფენა ხომ იცი რა ქალღცდაღა...

პაპ. ო, ანგელოზი ბოგშია სწორეთ...

კეკ. ჰო და ახლა ჩემი აღიკოა დილაზე რომ წამოდგება, მაშინვე საბანაოთ მიდის. მერე მოვა და სულ რაღაცა მალაყებს აკეთებს, ჩკლ-ვებს ატრიალებს, ბიჭებთან ჭიდაობს. არ გინახავს რა ჩაცმულია?... დედიშობილაო რომ იტყვიან, სწორეთ ის არა. ჩო-უცვამს რაცხა ქრელი პერანგი, სახელოები მოკლე, წამკლავებულია, მკერდი მოლიავებული, თავშიშველი, ვეუბნები: ბიჭო, გაცივდები ან რას გავს ასე სიარული-მეთქინ. ქული მაინც დეიხურე, მზე მოგეკიდება, დაგწვავს-მეთქინ. შენც არ მომიკვდე! დარბის და დაკვიტრიშობს. ახლა კიდევ იმ კნიაჟნას, უქნარაძის ქალს გაღვიკიდა...

პაპ. ოო, კოწიას ქალს, ფაცის?

კეკ. აბა?... სულ ერთად არიან. ხან ტყეში, ხან ღრეში... რა ვიცი! უფრო კი ჩვენ ციხე-ბურჯთან. იქიდანო, ლამაზი გადმოსახედავიაო.

პაპ. შენ შეხედე აღიკოს!..

კეკ. ვეუბნები: ბიჭო რას გადაკიდებიხარ მაგ კნიაჟნას, რა შენი საქმეა... ან მარტო ახლა ნახე, რა ღმერთი გაგიწყრა... ბოგ-შობაში თითქის ერთად ხართ შეზრდილი-მეთქინ.

პაპ. მართლა, თითქმის ერთად არ არიან შეზრდილნი?

კეკ. მერე იცი რას მეუბნება?... დედა, კნიაჟნა გაკეთებულა, დამშვენებულა, მომწონს ძალიანო... ურცხვი გამხდარა, ურცხვი ის საცაგელი ბიჭი.

პაპ. ეს ვერაფერი მითხარი, შენ მომიკვდე... იცი კნიაჟნა რა ახტაჯანაა!..

კეკ. ეჰ, როგორ არ ვიცი. სულ ჩვენსა არ აგდია მთელი მათი ოჯახი?

პაპ. საწყლები, რავა გალატაკდენ...

კეკ. იცი, პაპუნა ჩემო? ქადი არა აქ სახლში, ქადი იმსაწყალ კოწიას...

პაპ. რავა არ ვიცი! მაგრამ ისე კი ძალიან იბღინძებიან ისევე...

კეკ. იი, ამპარტავნება და სიამაყე თუ. გოდრით, გოდრით! მოაწევს თუ არა სადილობის დრო, განსაკუთრებით კვირა დღეობით, გვეხედავთ და თავადი კოწია მისი უკვდავი ჯორით მოადგება ჩვენ ეზოს... მერე, ვითომ

ნასაღრევი, მობრძანდება მისი კნენაც . მაგრამ სადილზე კი შემოგვისწრებს... აი იქით, აი აქეთ... პირველ ხანებზე ძალიან უარზეა, მაგრამ მერე, იცოცხლე... ისე მიირთმევს, რომ რა გითხრა.. და მათი ქალი ფაცია ხომ ამ ზაფხულს მაინც, ღამეს არ ათევს ჩვენთან, თვარა, სულ აქაა.

პაპ. ეჰ, მაგ ოჯახის ამბავი რაღა არ ვიცო... ეგ კოწია სომ მარტო თქვენთან არ დეიარება სადილათ. მთელი სოფელი შეგვჩრებული ყავს. დილით მოაჯდება თუ არა თავის ჯორს, მთელი სოფელი უნდა შამეიაროს, ყველგან უნდა მივიდეს, ყველაფერი გაიგოს. ჩვენთანაც, პინტრიშაძეებთანაც დეიარება და კვანტრიშეილებშიაც.

ქექ. ოო, რა მექორეა, რა მექორე!

პაპ. პირდაპირ ცოცხალი გაზეთია...

ქექ. ახლა საცაა გაჩნდება. დღეს ხომ კვირეა და... აბა ერთი გადახედე...

პაპ. (აივანზე გადახედავს) ძალი ხსენებაზეო... ჰა, ჰა! მოჩაქჩაქებს მისი ჯორით.

ქექ. ო, რა ლაქუსაა! აქ ჩემ ქმარს ეფერება და იქ კი ძირს უთხრის...

პაპ. ეეჰ მაგას რა შეუძლია. ვინ რას გოუგონბეს.

კოწიას ხმა(გარედან): მასპინძელო, მასპინძელო! შინა ხართ?

პაპ. (გადასძახებს) მობრძანდით, თავადო კოწია, მობრძანდით! შინ გახლავართ. ბიჭო, ჯოხი ჩამოართვი კნიაზს.

ქექ. ეჰე, მოვა ახლა და დაგვიწყებს მისი მადნის ამბავს.

პაპ. მართლაც, მადანი გამოუჩნდათ მგონია ყოროლის მთებში.

ქექ. ეჰ, რა ვიცი, გენაცვალე! აგერ რამდენი ხანია მე და შენ ქვეყნათ ვცხოვრობთ და მაგათგან სულ მაგ მადნის ამბავი გვესმის.

პაპ. ჰოო, მუდამ ჯობით დაათრევს მადნებს.—მაგრამ ახლა საკუთრათ მაგათ გამოჩენიათ...

ქექ. სუუ, კიბეზე ამევიდა. (წმოდებდა მისაგებებათ)

8

პაპ. მობრძანდით, კნიაზ, მობრძანდით..

კოწია. (ახმახი, ჭაღარა-შერთუფი, ძაღვი-

ან ღარბული ჩახს-ახალუსით, წელზე უზარ მასარი ხანჯალი ჰკიდია) ვახლავართ ჩემ საყვარელ კეკელას... ჰაი გიდი, რა გადამდღია-ღებული ხარ ისევე... (ხელს აწთმევს)

ქექ. უი, შენ კი რა გითხრა?

კოწ. გამარჯობა, პაპუნა. (ხელს აწთმევს. კეკელას) მამა ჩემი არ წამიწყდეს გასათხოვარი ახლა ხარ...

პაპ. (იღიმება) კნიაზო, კიდევ არ შეიშალე ხუმრობა?

კოწ. რისი ხუმრობაო, კაცო, არ გახსოვს... კულიკულში დავდედი კეკელას... მაგრამ მაჯობა ყაზილარმა მალხაზამ... ვერ გაჭრა ჩემმა თავადიშვილობამ...

პაპ. მართლა, კეკელა! მამა შენი ძველი აზნაუშვილი იყო და კი უნდოდა კნიაზისთვის მიეთხოვებინე.

კოწ. როგორ არა, მაგრამ მალხაზა ჩემზე შეძლებული იყო და...

ქექ. (კოწიას) ეჰ, კარგი ერთი, მამა შენი ნუ წავიწყდება. რა დროს ჩენი ბუნტრუცია?

კოწ. არა, მეც წაფხდი ყაზახი... რაღაცის მომერიდა. ეს დრო მქონდა?... რის შეძლებაო, მალხაზა რაღა მაჯობებდა... ჩემი ამბავი ხომ გეიგეთ?

(ამ საუბრის დროს უვეჯანი სხდებან)

ქექ. } (ერთად) რომელი ამბავი, ბატონო?
პაპ. }

კოწ. მადანი რომ გამომიჩნდა?

პაპ. ჰოო, .. მადანი! დალოცვილო, სულ ამ მადნების საქმეში არ ხარ შენი დღენი?

კოწ. არა, შენ არ მომიკვდე...

ქექ. აი, ის თქვენ მთებში რომ გამოჩნდა?

კოწ. კი შენ ნუ მომიკვდე... აგერ არ მაქ! . (აშოიებს ჭაბიდან სხვადასხვა მადნეულს და აწუებს დიდ-მაგიდაზე ერთ-ერთს უჩვენებს). აა, ესაა... ბარტია, ნამღვილი, ხალასი ბარტი.. (კეკელა და ზაზუნა სინჯავან) ამ კვირეში აშრაფიანი იყო ჩემთან.-აი სომეხი რომაა, ფადრიანიკი... ოო, მდიდარი კაცია საშინელი. მყავდა ადგილებზე. ძალიან მეწონა, კანტრაბტითაც შეგვეკარით მე და ჩემი მონაწილეები ვი წლით. ამ კვირეში ინტინერი უნდა მეიყვანოს და მუშაობას შეუდგება კიდევ.

კეკ. კაი დაგემართოს, კაი ამბავია!
პაპ. შენ მომიკვდე, ეს ძალიან საქმე დაგმართია... რავდენათ გოურიგდათ, ბატონო?

კოწ. (წელში გაიმთავრება, კმაყოფილის სისხით) ყოველ გამომუშავებულ ფუტუნზე, ბატონო, ალაგობრივ სამი კაპიკი უნდა მოგვეცეს...

კეკ. მერე ბევრია, ბატონო, ეგ მადანი?

კოწია. იმე, რას მიბრძანებ, კეკელა?! ბევრი კი არა, ჩემი შვილი და შვილი-შვილი ვერ გამოლევს იმდენია. მთაა, ბატონო, უზარ-მაზარი მთა. ხუთი ვერსი სიგრძე აქ და ორი ვერსი განი.

პაპ. მე კი არ ვყოფილვარ, ბატონო, იმ თქვენ მთაში...

კეკ. კაი ყოფილა, შენ მომიკვდე...

კოწ. პეტერე, ორიოდ გროში დამიტოვა ახლა აშრაფიანმა და... (თითქმის ხუმრავლად) ახლა კი მიფრთხილდით, თქვე-მუთუ-კებო... არა, ქალბატონზე არ მოგახსენებ. ეგ თქვენ გაგვიმუთუკეთ, თუარა... თქვენ კი გაჩვენებთ სეირს, ვინ უფრო იქნება შეძლებული...

პაპ. თავადებს, ბატონო, ღმერთი გწყალობთ. იმდენი რამე კი დოუტოვებია თქვენ წინაპარს... რომ გგონია, ეხლა კი დეილუპაო, სწორეთ მაშინ გამოგირთებათ ან მადანი, ან ტყე, ან რაცხა ჯანდაბა და...

კოწ. აბა, როგორ გგონიათ!.. თუ არ მოვკდი, ახლა კი დოუტოვებ ჩემ ქალს ფაციას კირგ სამემკვიდროს... ფულები თუ სულ ჩეჩქივით. მართლა, ღმერთი არ გოუწყრეს იმ თქვენ ტანგიცა ბიქს ადიკოს... რაცხ სულ ფაციას დასდევს და...

კეკ. (სახე მოკლეს) ეეჰ, კარგია ერთი, მამა ნუ წაგიწყდება.

კოწ. არა... მე კი არ ვიწუნებ... გლახია მართალია, მაგრამ ნასწავლია... ამდენი კი მესმის, მხოლოდ... ხელი ფაფას! — თავს გოუტებს უბედურს ჩემი ფაცია... მოკლავს შენ მომიკვდე...

კეკ. რაფა გეკადრება, ბატონო... რა ადიკოს საქმეა თქვენი ქალი... კნიაჟნაა. ახლა კიდევ თუ მართლა ამდენი სამემკვიდროც დარჩა...

კოწ. არ გეხუმრები, შენ ნუ მომიკვდე.

პაპ. (ამსობაში მადნეულს სინჯავდა) ეს რაღაა, ბატონო კოწია?

პაპ. (სახეზე სისხარული გადაჟვინება) ოო, ეგ არის, რაც არის... ეგ, ჩემო ძმაო, ვერცხლის მადანია...

პაპ. უმ... ვერხლი კი არა...

კოწ. შენ მომიკვდე!.. მაგრამ ვერ გეტყვი სად არის... ეგ მე აღმოვაჩინე — ეს კიდევ ოხრაა, საღებავი, კაცო... ვერ წარმოიდგენ რა ფასი ჰქონია.

(გაგრძელება იქნება)

მელოდრამა

„უიქაა!“

(დასასრული. იხ. „თ. და ც.“ № 15)

„სულიები“ განუწყვეტლივ არჩევდნენ საქმეებს. მრავალმა მოწმებმა მიიღეს ფიცი, წარმოითქვა მრავალი ადვოკატების ლამაზა სიტყვები. ზოგი ციმბირს გაიგზავნა, ზოგი კატორგაში. საქმე საქმეზედ ირჩეოდა, მაგრამ კნ. მართას და არტემას საქმე არსად სჩანდა. კნენა არ სწუხდა, უთუოდ ამ საქმეს ცალკე, აუჩქარებლივ გაარჩევნ. მაინცა და მაინც კეთილშობილი წრიდან არის მოჩივარი, განსაკუთრებით ყურადღებას მიაქცივენ. ელოდნენ კნენა და სოსია, მოშივდათ კიდევ, უკვე მესამე საათი იწყებოდა, და საქმე კი არსადა სჩანდა.

— რა ვქნა, ძეწკვებს რად იხსნიან, ფიქრობდა კნენა. იქნება უნდა შეისვენონ და შემდეგ განსაკუთრებით გაარჩიონ ჩემი საქმე. მაგრამ არა, რაღაც ისე წამოიშალნენ, რომ თითქოს გაათავეს ყველაფერი. აგერ, ადვოკატებიც ეთხოვებთან. ღმერთო ჩემო! ეს რა ამბავია?! ჩემი საქმე ღა?!

— სოსი, ერთი გაიგე რამე.

— ქალბატონო, მე რა ვიცი ვისა ვკითხო. მამაჩემი არ იყო მარშალი და დედაჩემი ნაჩაღნიცა, აბა რა ვიცი. თუ მიბრძანებთ, იქიდგან მოუვლი, არავის არ გაუშვებ, მანამ არ გაარჩევნ ე ჩვენ საქმეს, ეგ შემძლიან. გაიხლოთ?

— რას მიედ-მოედები, კაცო! ეგ როგორ იქნება?! ქა, მიდიან!.. ბატონო, სულღო! საღ მიბრძანდებით? ჩემი საქმე ლა?!.

მთელი ზალა მოტრიალდა. ყველა სმენად გადაიქცა. პროკურორი და სუდიები დააცქერდნენ იმ მხარეს, საიდგანაც ხმა იყო.

— წინ წამოდექით, რომელი ბძანდებით? მიმართა მთარგმნელმა: რომელ საქმეზე ბძანდებით?

კნენინა გაეშურა წინ, სოსიაც თან გაჰყვა: რა ვიცოთ, იქნება ჩხუბი ჩავარდეს, და ვაი იმის ბრალი, ვინც ჩემ კნენინას აწყენინებს, ფიქრობდა ზორბა, ლონიერი სოსია და თან მხრებს ისწორებდა. კნენინა ცოტა აენთო. კავები გაისწორა.

— როგორ თუ რომელი საქმე?! უწყებებს მიგზავნით და ახლა შეკითხვებით, რომელი საქმე?!.

— გვიბოძეთ უწყება.

კნენინამ ქართულ კაბის ჯიბიდან გამოიღო უწყება და გადასცა ხანში შესულს უფროს მსაჯულს.

ამ უკანასკნელმა გაიკეთა სათვალეები, გადაავლო თვალი უწყებას, აქეთ-იქით ამხანაგებს და პროკურორს რაღაც ჩაუღიმა და უწყება თავის კნევით დაუბრუნა მთარგმნელს ბრძანებით. „წაუკითხეთ და აუხსენით კნენინას“.

— კნენინავ, თქვენ აქ რად მობრძანებულხართ? თქვენ ამ უწყებით დაბარებული ხართ ერთი თვის შემდეგ ქო-ლოს „მიროვოი სულში“, წაიკითხავდით მაინც.

— თქვენ ყმაწვილო, რაებს ლაპარაკობთ?! ყარულმა მოიტანა უწყება და თანაც გვითხრა: ს—ში ოკრუჟნი სული მოვიდაო. და ამ დანთხელმა არტემამ უკანასკნელად რომ წავაგო მიროვოი სულში, ხომ გადაიტანა საქმე „ოკრუჟნი სულში“. მეც უწყება მომიტანეს გულში, თანაც მითხრეს „ოკრუჟნი სულიც“ მოვიდაო. რაღა წაიკითხვა მინდოდა.

— დიახ კნენინავ, საქმე კი იყო გადატანილი „ოკრუჟნი სულში“, მაგრამ „ოკრუჟნის სულმა“ დაადგინა ისევ დაუბრუნდეს ქო-ლოს „მიროვოი სულს“ ახლად გასარჩე

ვად და აი ეს უწყებაც ქო-ლოდან არის გამოგზავნილი, წაიკითხავდით.

— კიდევ! წაიკითხავდით. მამა გიცხონდათ თავი დამანებეთ. ან მე თქვენ რას გელაპარაკებით, ვილაც პერეგოჩიკს... ბატონო, სულღო! გთხოვო გაარჩიოთ ჩემი საქმე. კამეჩები ძლივს ვიშოვე, მეორედ ველარ ამოვალ, აი კაცსაც ჰკითხვით. რამოდენა ირბინა ამ საქმიანობის დროს, მინამ საქონელი იშოვა.

— დიახ, ბატონო, ყველაყა ეხლა საქმეშია, დაიწყო სოსიამ: ძლივს ვიქირავე.

— ბატონო თავმჯდომარე, გთხოვთ შესწყვიტოთ ბაასი და გაარჩიოთ ჩემი საქმე. მენებას ვერ მოგცემთ.

— ვა, ვა! რა ყოფილა, გაისმა ზალაში.

— Передайте княгини, что заседание закрыто, სთქვა თავმჯდომარემ და გასწია კარებისაკენ. დანარჩენებიც მას აედევნენ, დარბაზიც წამოიშალა და ყველანი წავიდ-წამოვიდნენ.

კნენინა ავიდა ესტრადაზე და შეიხედა ოთახში, სადაც შევიდნენ „სულიები“, იქაც აღარავინ იყო, გამობრუნდა და გადაჰხედა ცარიელს დიდს ზალას, სადაც მარტო პირდაღებული სოსია იდგა...

— ვიში ქა?! წარმოსთქვა კნენინამ და გაეშურა თავის სოსიათი კარებისაკენ.

ილო

სახალხო თეატრის ინტორია

(მასალები)

(გაგრძელება. იხ. „თ. და ც.“ № 15)

1901 წლიდან სექციამ უფრო ფართო ხასიათი მიიღო, მისი კრებები მუდამ აუკლასი აუდიტორიაში იმართებოდა და ყოველ სტენის მოყვარეს, რომელიც წინაღ განზიარებული იყო, შექცება შეეცა, მონაწილეობა მიეღო არჩევნებში. წინანდელი სექციის არჩევნები უფრო შინაურულათ და ერთმანეთის ნაცნობობით სდებოდა. ვერ შეჩვიებოდნენ იმ აზრს, რომ სელასნებსაც შეეძლოთ სექციის წევრობა, რომ თავდაზიარებულად იმით ჩაუყარეს სძინეკველი ამ სს-

ხალხი თეატრს. ეს შენიშნა კვირეულ ჟურნალ „კვალის“ თანამშრომელმა და 1901 წ. 4 თებერვლის ნომერში შინაურ მიმოხილვაში, სხვადასხვათა შორის, სწერია: „საქიროა მოღვაწე ინტელიგენტებმა დაიხლოვონ ხელოსნები და მათთან ერთად აკუთონ საქმე, თვარა ერთის მოსვლით მეორე მიდიოდეს, ეს ვერაფერი თავდება სახალხო საქმის რიგინათ სამსახური-სა“ და სხვ.

გაიანა დრომ და ხელოსნებმაც ნელნელა მოიკადეს ფეხი სექციასში. რამდენიმე ხნის შემდეგ აინჩიეს გიორგი მარსაკოვი, სანდრო ბაქრაძე, 1903 წ. ივ. ღურგლიშვილი, გ. ჯაბაური. ესელა უფრო მოწესრიგდა საქმე: ხელოსნები და ინტელიგენტები დაშეგობრდნენ. სექციას ჭეშვად ქარხნიდან ამოჩეული ხალხი, რომელთაც დავალებული ქანდათ ბილეთების გაყიდვა მუშებში. წარმოდგენები უფრო და უფრო გახშირდა. უაგელი დადგმული წარმოდგენა ავტალის აუდიტორიასში შედგებოდა რკინის გზის თეატრში. მაგალითად 1902 წ. დაიგა 25 წარმოდგენა, 1903 წ. 38 მეტი, 1904 წ. 22.

ამ ხანებში რეჟისორის მოკვალეობას ასრულებდა გ. ანანიშვილი, მერე ნიკო გოცირიძე, ბოლოს შალვა დადიანი.

სექციის წევრებად იყვნენ: სოსო რომანიშვილი, დიმიტრა ბაქრაძე, ვასო ხახანაშვილი, სვიმონ ჭყელი და ი. ძნელაშვილი. სტენის მოყვარეთა რიცხვსაც მოემატა ქ-ნი ანეტა ქიქოძე, ნინა ჩაგუნვა და ელენე ანდრეიკაშვილი, კაცთაგან: გრ. ანაშვილი, მიტრო ბაქრაძე, მიშა ინაშვილი და სხვ.

1905 და 1906 წ. წარმოდგენები შეჩერდა, იშვიათად და იმართებოდა, ისე რომ ამ ორი წლის განმავლობაში სულ გაიმართა 11 წარმოდგენა.

სექციის აჩეუვებზე ბოლოს და ბოლოს ვედაჩ ხდებოდა, რადგანაც კრებების მოწვევა შეუძლებელი შეიქნა და ისევ ძველი სექცია დარჩა ძალაში.

დადა 1907 წ. სახალხო უნივერსიტეტის თავის თეატრალურ სექციასში მიიწვია:

მარია დემურია, სოფია რომანიშვილი, ვანო ღურგლიშვილი, მიშა თუმეჯაშვილი, გიორგი ჯაბაური, სვიმონ ჭყელი და ვასო რა-

ვიანშვილი. ამ დღიდან დაერქვა მათ სახალხო უნივერსიტეტთან არსებული თეატრალური სექცია“, ძველ სექციასში დარჩნენ: კოტე ხახანაოვი, ნიკო გოცირიძე, ბესელიძე, ვასო ხახანაოვი და მიტრო ბაქრაძე.

რადგანაც ჯერ ზუბალაშვილების სახლი მხოთ არ იყო, რომელშიაც უნივერსიტეტის სექციას შინა ემოქმედნა, წარმოდგენების მართვა შეჩერდა.

და იმ ძველმა სექციამ კი 7 წარმოდგენა გამართა ავტალის აუდიტორიასში.

სამსონ ტარაშელიძე ცდილობდა, როგორც ერთის ძალით ემოქმედნა ამ ორად გაყოფილ სექციას. მართლაც ასე მოხდა: ნიკო გოცირიძე უნივერსიტეტის სექციამ რეჟისორად მიიწვია, სამსონ ტარაშელიძე სექციის წევრად, იოსებ ბესელიძემ სულ თავი დაანება, კოტე ხახანაოვს და ვასო ხახანაოვს ადარ სურდ-თ მუშაობა და თხოვნაზედ უარი განაცხადეს.

გ. ჯაბაური

წერილი აგებვი

➤ **თბ. დრ. საზ. გამგეობამ** მარტის 23 კრება მოახდინა. იქონია თათბირი მსახიობთა წინადადების შეშახებ. შეიწყნარა მათი მოთხოვნილება და დაადგინა: მომავალ სეზონის მოწყობა დავეალოს მსახიობთა მიერ არჩეულ ზემო დასახლებულ სამ პირს

➤ **მოსკოვში** თებერვლის 13 უკვე გაიხსნა თეატრები და შეუდგნენ მუშაობას. საიმპერატორო თეატრები ამ ჟამად უკვე სახელმწიფო თეატრებად იწოდებ ან და მათ ხელმძღვანელობას წინანდელი დირექტორი კი არა, მსახიობთა კოპორაციის მიერ არჩეული კომისარი ტი ეწევა. უმთავრეს კომისარ ადმონკოვის ყველა თეატრებისა დანიშნულია ჩვენ სახალხო მამულიშვილი ალ. სუბათაშვილი, სააპერო დასის ხელმძღვანელად-კი განთქმული ტენორი სობინოვი.

➤ **3. გუნიას მადლობის დღე** საბოლოოთ გადაწყდა, რომ ქ. თბილისში უნდა შედგეს შაბათს, 29 აპრილს სახელმწიფო თეატრში (წინანდელ სახაზინო) დილით და საღამოთი. საიუბილეო კომიტეტი დიდხანია სამზადისს შუდგა და იმედო აქვს ღირსეულის გამოჩინებით მოაწყოს ზეიმი.

➤ **3. გუნდას ს.იუბელმო** კომიტეტს განზრახული აქვს ვ. გუნიას თანხის მოგროვება ფართოდ მოაწყოს და ამ ფულიდან დამსახურებულ საზოგადო მოღვაწეს საჩუქრად მიართვას ქ. თბილისში საზღკარი.

➤ **მსახიობთა კრება** 23 მარტს შესდგა ქ.

თბილისში. კრებამ ითათბირა ქართულ თეატრის საკითხებზე და დაადგინა უსათუოდ შესდგეს საპროფესიო კავშირი ქართველ მსახიობთა და ამისათვის დაქარბებით მოწვეულ იქმნას ყველა ქართველ პროფესიონალი მსახიობი. ამასთანავე გადასწყვიტეს თბ. და სხვა დრ. საზოგადოებათა გამგეობაში ქართველი მსახიობნი მვეიდნენ სრულ-უფლებიან წევრებათ და სეზონების წარმოება სრულიად გადავიდეს მათ ხელში. ყველა ამ საკითხთა მოსაწესრიგებლათ და გასაძღვლად მსახიობთ აირჩიეს თავის შორს ანდრონიკაშვილი კაწო, დადიანი შალვა, შალიკაშვილი ვალერიან.

◆ **პირველი მინსობა**, მუშათა საერთო შორისა დღესასწაული. წელს ჩვენშიც გაიმართება აპრილის 18. ძლივს ჩვენა და რუსეთში მუშა ხალხს აშკარად შეეძლება ეს დღე შესაფერის ზეიმით იღვწასწაულას. როგორც რუსეთში ისევე ჩვენში დიდი მზადებაა.

„**თეატრი და ცხოვრების**“ ფონდის სასარგებლოდ! ამხანაგებო! გთხოვთ მიიღოთ ჩემგან მცირედი დახმარება ჟურნალ თეატრი და ცხოვრების ფონდისათვის. მედგრად დავიცავთ რუსეთის რესპუბლიკა და ტერიტორიალური ავტონომია საქართველოსი. დემოკრატიულ ფორმებში მოკახშული (გვზავნი 20 მან.) ა. მ. არჯვენიძე

- ◆ ს. მერკელიაძისაგან—10 მან.,
 - ◆ შაქრო ბერიშვილისაგან—3 მან.
- შემომწირველთ მადლობას ვუძღვნი. რედ.

რედაქტორ-გამომცემელი იოსებ იმედაშვილი.

საქირა „სორაპნის“ სტამბაში გამოცდილი ასოთ ამწყობნი

კარგ ოსტატს მიეცემა ჯილდოთ
100-120 მანეთი თვეში

„თეატრი და ცხოვრება“

ორი პრემიით წლიურად ღირს 8 მ., ნახევარი წლით 4 მ. 50 კ. ხელის მოწერა მიიღება თბილისში „სორაპანის“ სტამბის კანტორაში მადათოვის კუნა № 1, ფოსტით: **Тифлис, ред. „Театра да Цховреба“**—**Иос. Имедашвили.**

იზაძეაბა და მოკლე ხანში გამომცემი
უცხო იტყვოკლე-ქსი მნი შედგენ. იოსებ იმედაშვილის მიერ, მეორედ შეესწავლულ-შესწორებული. მთავარაყვებული ყლით, ხელის მოწერით ღირს 2 მ. 50 კ. გაწერვა კიდევ შეიძლება: **Тифლის, ред. „Театра да Цховреба“**—**Иос Имедашвили.**

საქართველოს სოციალდემოკრატიულ პარტიის (ავტონომისტთა) გაზეთი

„ხალხის თავისუფლება“

„(ხალხის ერთობის გაგრძელება)“
ივანე გომართლის მახლობელი და მუდმივი მონაწილეობით, ზარტიულ მუშაკათა თანამშრომლობით და იოსებ იმედაშვილის რედაქტორობით. გაზეთი ჯერ ხნობით გამოვა კვირაში ორჯერ: **ორშაბათობით და ხუთშაბათობით** გაზეთის მთავარი მიზანია ავტონომისტების გაერთიანება, ერთობის განმტკიცება და საქართველოს ტერიტორიალურ ავტონომიის პოპულიარიზაცია ხალხში.

გაზეთის ფასი: წლის ბოლომდე 5 მან., თითო ნომერი-5 კ. ხელის მოწერა მიიღება: თბილისში „სორაპანის“ სტამბის კანტორაში (მადათოვის კუნძული, № 1) ფოსტით: **Тифлис ред. „Халхис Тависუფლება“**—**Иос. Имедашвили (мадато, ост. № 1).** რედაქტორ გამომცემელი **იოსებ იმედაშვილი.**

- ახალი კლუბი** კვირის პრ. აპრილის 16-23
კვირა—რუსული წარმოდგენა. ბილეთი 50-30 კ.
ორშაბათი—ოპერეტა. ბილეთები: 1 მ.-50
სამშაბათი—საოჯახო საღამო
ოთხშაბ.—სინემატოგრაფი. სიმებ. ორკ.
ხუთშაბ.—ქართ. წარმ. ბილეთები 50-30 კაა.
პარასკ.—ოპერეტა. ბილეთები: 1 მ.-30 კ-დე
შაბ.—საოჯახო საღამო
კვირა—რუსული წარმ. ბილეთ. 4-30 კ.
დამაწმინი: კონცერტებისა საღამ. 7 საათ. წარმოდგენისა და სინემატოგრ. საღ. 8 1/2 სა. შშსას. ფასი მანდილოსნ. 50 კ. მამაკაც. 1 მ



დროებითი მთავრობის დადგენილების თანახმად გამო-
შვებულია

თ ა ვ ი ს უ ფ ლ ე ბ ი ს ს ე ს ხ ი

1917 წლისა

ამ სესხის ობლიგაციების ღირებულებაა 50, 100, 500, 1000, 5000, 10,000 და 25,000 მან. წლიურად შემოაქვთ 5 პროც., რაიც წელიწადში ორჯელ იძლევა, ერთი 16 მარტს, მეორე 16 ენკენისთვის.

სესხი გამოშვებული იქნება 5 წ. მისი ობლიგაციების გამოცემა მოხდება ყოველ წელს, 1922 წლიდან დაწყებული.

სესხზე სელის მოწერა დაიწეება 6 აპრ.-დან და გას-
ტანს 31 მაისამდე 1917 წ.

სახელმწიფო ბანკების კანტორებსა და განყოფილებებში,
მუდმივ და საველე ხაზინებში,
სახელმწიფო შემნახველ კასებში,
წვრილი კრედიტის დაწესებულებებში,
კერძო კომერციულ ბანკებში,

ქალაქის საზოგადო ბანკებში და წვრილ საურთიერთო კრედიტის საზოგადოებაში და იმ საერობო სამმართველოებში, რომელთა შესახებ ცალკე იქნება განცხადება.

ხელმოსაწერი ფასები

85 მან. 100 მან,

რომელთაც დაერთობათ ამ წლის მარტ. 16 პრეტენციები.

ობლიგაციის ღირებულობა—ფასი, ერთ დროულად უნდა აქმნეს გადახდილი. იმ კვი-
ტანციების (სანამ ნასყიდი ობლიგაციები ჩაჰბარდება მყიდველს) და აგრეთვე ობლიგაციის
საშუალებით შეიძლება სესხის აღება. ამ შემთხვევაში, კვიტანციები ან ობლიგაციები უნდ-
წარედგინოს იმ სახელმწიფო ბანკში და ხაზინაში, სადაც ასეთი ოპერაციები—(სესხი) სწარა
მოეზს, და მიეცემა ობლიგაციის ღირებულობის 75%⁰, წლიური 5%⁰ შეღავათიანი პრო-
ცენტით, რომელიც, ესე იგი, სესხის აღება, განთავისუფლებულ იქნება ყოველგვარ სახელ-
მწიფო გადასახადებისაგან, რაიც საზოგადოთ შემოღებულია მიმდინარე ანგარიშით და თა-
მასუქით — ვადიან სესხისა.

ადებულ სესხის განაღდება შეიძლება აგრეთვე 5% სავალდებულო სახელმწიფო ქალა-
დების წარდგენით წლიურ 5% გამოკლებით.

შეძენილი ობლიგაციები მიიღება შესანახად სახელმწიფო ბანკში და ხაზინაში, უფასოდ:
სამაგიერო დოკუმენტი, რომელიც მიეცემა ობლიგაციის პატრონს, საღებრო გადასახადისაგან
განთავისუფლებულია.

(8—651—2)